



## **Qikiqtaalunmi, Qitirmiuni, Igluligaarjungmi, Qamani'-tuarmi, Sallirmi, Naujaani, Kangiqlinirmi, Tikirarjuarmi**

**Litjiruvia 5, 2021**

**Talvannga litjiruvia 5, tapkuat kavamatkunnin aanniaqtailinikkut maliktaujukhat atuqtaujukhat:**

### **Katimanirmut**

- Hilami katimajut avatqulimaittut 100nik inungnik.
- Iglumi katimajut kikliqaqtun iglumiutanun ilaliutinirmullu 15nik inungnik.
- Inuit tamarmik inungmit unghiktillaqaqtukhat imaaut 2m aallanit inungnit iglumi-uqatigingitamingnit.
- Igluqpangni katimajut aihimaviungittuni kikliqaqtun 15nun.
- Nunamingni katimaviinni imaalu katimaviujuni iluani kavamatkunni ukuallu Inuit timiqutingit igluqpainni kikliqaqtuq 50nun imaaluunniit nappaanun (50%) inugiangnikkut naamahimadjutikhaanin.

### **Ivjarutit**

- Ivjarutit atuqujajut.

### **Niqikhaliurviit laisqaqtullu niriviit**

- Niqikhaliurviit ukuallu laisqaqtut niriviit angmainariaqaqtut havainnaqpagutimingnun imaautun nappaanun (50%) inugiangnikkut naamahimadjutikhaanin.
- Piqaqtukhaq 2m unghiktillaarutinik ikpatini avatquhimaittumiklu 6sinik inungnik ikhivajunik ikpatini.

### **Havagviujut nanminirijaujut**

- Tamaita maniliurnahuangittun maniliurniarhimajullu havagviit timiqutillu aulapkijun havaktulluunni havagutunik angmaqtaaqun havangnirmu kihimi atuqtipkaqtakhait inungni ahiqpaniidjutunik imaautul malruungni (2) miitanik.
- Katimaniq nunamingni katimaviinni imaalu katimaviujuni iluani kavamatkunni ukuallu Inuit timiqutingit igluqpainni kikliqaqtuq 50nun imaaluunniit nappaanun (50%) inugiangnikkut naamahimadjutikhaanin.
- Kitun maniliurnahuangittun maniliurniarhimajullu havagviit timiqutillu havaktut havagutunik pipkailimaittuq, pidjutaanin inikidjutaanin, auladjutunik inungni ahiqpaniidjutunik 2m kiklikhaqaqtupkaijukhaq inungnik iglumiittunik qulinun (10).
- Tamaita nappaqtirinikkut havaktauhimajun aulahimmaaqtaaqun, pidjutlutik atuqtaujukhanik kikliqarutinik.
- Taaksit piqaqtaaqun amigaittunik taaksituqtukhanik taimaatun hivuliqppaaq taksituliqtuq angiqqat tamaitalu atimakpata ivjarutinik. Ivjaruit atuqtaujuukhaq atuqujaukpata.

### **Laisqaqtut taaktiit ukuallu inungnun ikajuutikhaitigun havaktiit**

- Huradjanun taaktiit ukuallu uqaudjijiit (psychologists) angmaqtaaqun.

Nutaatqianik COVID-19 qalagjuarnikkut ilitturipkaidjutunik ukunanilu GN-kunni Havagviinni nutaani ilitturipkaidjutunik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>





- Katimajuni uqaudjinirmiit ikajurutikkullu katimajiit kikliqaqtun 20nun inungnun.
- Inungnun ikajuutikhaitigun havaktiit imaatun qimirluliqijit, nujaliqijit, timini nanuktiit, nujaliqijit angmaqtaaqatun kihimi atuqtukhat hapumminikkut aannuraanik (PPE) apirijaugumik.

### **Hivitujumik munaqtauviit, aularaanginnaqtuni munaqtauviit aanniaqtunullu najurviit**

- Hivitujumik munaqtauviit igluqpait, aularaanginnaqtuni munaqtauviit igluqpait aanniaqtunullu najurviit pijaaqtun malruungnik pulaaqtinik qanitqijaujumin ilagijamini, ivjarutit atuqtaujukhat pulaaqtunun avatquhimajunin ukiuqaqtunin 4nik.

### **Ilinniarviit nutaqqiqiviillu**

- Nuqarhiit iliharviit angmajun; akulliit angajukhiillu iliharviit atuttikkut iliharvingni un-gahiktukkullu ilihaqpaktun.
- Nunavunmi Ilihariaqpaalivik, angmaumajuq ikiklijuummirhimanikkut ivjarutillu atuqtaujukhat.
- Nutaqqiqiviit angmaqtaaqatun pilutik pimmarighijummiqtunik halummarhinikkut aturutikhanik taimaalu maliklugu nutaqqiqinikkut maliktakhat.

### **Huliluqaarnikkut, huliaghairangat nunallaanilu katimajiit**

- Naluujarviit, huliluqaariaqturviit ulapqivillu angmaumajun avaliittunun iqairhaijainirnun imaalu nalrujuhimajuinnarnullu naluujaqtukhat. Uunaqtun uarviit uunaqtunilu atipkaumajuni ikhivaviit angmaqtaaqatun. Kikliqarluni qulinik (10) inungnik.
- Piksasuurviit angmaqatun 50nun inungnun imaaluunniit nappaanun (50%) igluqpaup naammadjutikhaqarutikhaanin.
- Makpiraaqarviit, hanahimajuni qunngiarviit, ingilraarnitanik qunngiarviit angmajut kikliqarninganun 25nun inungnun imaaluunniit nappaamun (50%), kitumun ikitqijaujumun. Takujaqtuqtun kikliqaqtun qulinun (10) inungnun.
- Angaadjuviit angmajun uvunga nappaanun (50%) igluqpaup naammadjutikhaqarutikhaanin.
- Tamaita hilami ulapqiviit, nunallaami minnguiqhirviit, nunamilu minnguiqhirviit, unalu nunami minnguiqhirviq - upagvigat angmaqtaaqatun, kihimi igluqpait umikhimajukhat.
- Haakirviit angmaumajun imaatun naappaani (50%) igluqpaup naammadjutikhaqarutikhaanin imaaluunniit 50nun inungnun; kikliqarutaa qunngiaruaqtuqtunun talvaniittukhat 50ngujut.





ᐃᑲᑎᐱᑦ ᐃᑲᑎᐱᑦ ᐃᑲᑎᐱᑦ  
 Building *Nunavut* Together  
*Nunavut* iuqatigiingniq  
 Bâtir le *Nunavut* ensemble



Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)